

沅
湘
耆
舊
集

沅湘耆舊集卷第一百一

新化鄧顯鶴湘臯編輯

長沙毛國翰青垣校訂

陳宣威長鈞

十六首

長鈞字殿元號梅岑武陵人芷濱主事養元子以
優貢授武岡訓導歷官雲南宣威州知州有柱山
詩存柱山爲宗五鴻博長鎮之弟詩才不減長公
武陵有三梅此其一也官雲南時嘗著滇南水道
考未見

溪行多灘壩戲爲短句

人世多魂礪嶮巖視急瀨舸舨迳腹舟吁嚇觀變怪突怒

石峻嶒虎豹蹲百輩巨流向空瀉勢欲翻大塊百竅相傾
洞噴沫如吒啐初疑金鼓聲兩壘迭勝敗復疑蛟螭走白
晝雷電晦長年齊憤爭寸進還丈退漩深勢稍歇巨象時
露背川浸見綠疇木樅亘如埭一舟阨其衝衆舟莫敢慙
蹢躅泊其涯兩耳聒欲塞忽聞片聞啟一一喧魚隊性命
互激撞俄頃豈自愛咄嗟造物意夷險相錯代世人貴幽
莽舉足成隔闕方寸有洪流波濤起肝肺安得禹功平疏
濬埽積穢一葦從吾遊心源共灌溉

孟亭

三峴幽且紆萬潭清復駛中有鹿門賢荊州舊從事峴川

亭尙峙

自注王維繪像於鄧州刺史堂

襄陽祠獨墜我來洞庭西主人託

遙寄軒以蕙蘭椽鏤以金石誌瀟灑鸞鳳姿溼落雲霞質

重載厭冠裳敷坐滿蒼翠

自注署博新亭繪像勒碑

高名動寥廓端居

恥顛顚白髮故交疏清時明主棄自愛太乙真兼會陶家

意松窗琴月聲場圃桑麻植臥林覽衆華開樽當長嘯

嶽蘇嶺山龐公欣有嗣五馬城北君

自注謂徐太守

雄才數辟易

文酒及笙歌屢舄每共萃寒花雨更新叢桂露猶漬嚴飈

景物和佳詠恣奇出清芬挹情懷悲吒亘寤寐杜陵宅正

鄰襲美塵方破階除橫古今篆碣留天地

羊杜祠次范文正公和王原叔韻

茲山白宇宙名以羊公大祠廟久雕殘荒榛夕陽外公餘

感曠世經營此爲最升屨構維新飛蓋共賞會緬公勞機

策登臨寄深慨賢達與勝事當世固無輩裘帶見風流種
德惟克邁平吳首元勲興今開蒙昧卓哉杜武庫才器堪
荷戴沈碑非自伐功足稱蓋代特牢伏臘時配食詎慙退
松柏儼靈旗清風激萬籟碣俯山顛內傳畱寰內巡檐
石幢存卷幔山亭繪東第歸何晚當陽系猶賴峴首雲鬱
鬱萬潭水清快渺懷景前修辦香表深愛

遊陽山

盤輿出層城褰裳陟叢薄仰窺踐遊麋俯身如居螻舍車
捫葛陽嶺崎嶇錯愕灌木挺豐蔚枯杉鬱枝格陽波神女
祠陰崖鬼工鑿靈宇龍象衰丹甍塵埃落一鶴西飛來詎
有仙靈託裊裊雲木暝蕭蕭涼風穉畢景忽已匿徒御競

杯杓伊蒲具山蔬打包類行腳向夕興未闌凌晨復乘屨

由羅紫山至興國寺

游屐復幾緇道途自味爽忽送憑高目風日兼馳蕩疑蹠
金銀臺元精豁疏敞僕夫入雲呼揚鞭掉塵鞅天連大嶺
碧樹拂百泉繹峻坂下松關空翠接平壤遺壙坡陀圉化
城標題榜佛日依稀剎穹碑付榛莽荏苒緇古蹤歷歷愧
心賞日暮龍市眠橋火辨村幌

過荆門州宿龍泉書院謁陸子靜先生祠

自注舊名龍泉今易

爲象山

歲暮苦行役僕僕茲馳駿荆門喜再遇戒塗聊宿信賢教

舊同僚結構勞整峻

自注前刺史舒廣龍會同真滇中重建舊蹟

晨起蠟阮履

登臨補前咨朝光乍翕吸秀竊頻接晉攝衣恣幽探俯仰

蘇日疾方塘湧盤渦尺木窮追趁自注尺木樓名西泉匯靈源古

柏擎雲陣經臺立今古東山分介饋鳥嘯荆園幽露滴月

池澗石虹臥清流蒙阜坐重鎮景行鵝湖學淵源資導濬

千聖心理同六經注腳攢辦香謁祠前仰止淪心印深忤

車馬客兀兀勞鞍軛吾道自有源修綆誰能弭元顯本湛

然風期共締認

喜常寧詹書存顯紳謁選過舍兼得李無蟠如湘書

新平十子自昭回自注舊刻常寧十子集心折青蓮敏捷才萬古文

章沈血淚一時闌惹出荒萊嶽雲湘雨來孤櫓吟猿疏鳴

送客杯製錦行看花滿縣臨歧莫歎二毛摧

抵里謁硯瓦溪先塋

自悲親歿猶干祿上墓還遵漸水西隴上斷雲低馬鬣松
閒暮靄聽烏號三公一口嗟何及六詔雙旌路欲迷行役
誰憐予季遠白楊衰草轉愁悽

遊王氏懷園和同人韻

隔閣攀林近禊辰今朝邱壑暫相親不嫌縛束酬知己且
喜逢迎有主人池上鷗窺遊客屐柳閒船繫落花津煙皇
露晚脩然遠好伴溪翁采白蘋

寓夜

沅水三千路已賒賈胡留滯漫興嗟半閒瓜舍殘書滿八
尺筠牀布被斜月似伴人窺酒盞蟲如對客語窗紗檝雲

已散齋鐘寂惆悵鄉思未有涯

古雲香館卽事

夢泡浮生白日消小園佳趣致偏饒思添秋色春栽菊欲
聽雨聲晴種蕉酒向婦謀多賸釀琴須匠斲可徐調忙中
解作閒中事絲竹東山興豈遙

慰張繡園

漢諸常陪長者遊龐眉古宿與真幽讀書長續三更雨把
劍如當萬里秋老驥籊雲空紫塞冥鴻遵渚趁丹邱近來
耆舊嗟誰在猶有羊求得共儔

春霽散步

廉纖積日雨絲添偶霽欣聞雀噪檐曳屐尙嫌泥絮重披

裘猶帶凍雲黏煙籠姪姪花千樹風靜玻璃水一匳卻笑
城南箏笛耳香醪一醉與誰拈

襄江舟次步聞孝廉曉山韻

襄江西溯客情牽彈鋏甯因縮項鰯水繞鹿門雲外石嵐
回谷隱雨餘天夕陽影裏鴉翻樹柔櫓聲中鷗避船最是
高人貪弔古接羅還欲共星輶

琵琶亭

雲裏蓮峯照眼深香山亭古此登臨帆檣隱現龍城市煙
雨參差溢水潯送客依然江月白促絃何處荻楓陰天涯
淪落鴈鵝血又續青山淚滿襟

小園卽事

汾州耆舊集 卷第一
終朝徙倚傍前亭細雨山餘一抹青自摘畦蔬滑七箸閒
官風味似園丁

輪囷瓜瓠待秋期苜蓿闌干只自炊何意高空新有雁數
聲嘹唳到疏籬

鄧指揮廷松 一首

廷松字丈山寧鄉人由廩貢官廣東崖州知州入
爲東城兵馬司指揮著有笙月軒遺稿指揮性耽
吟喜結納又壻於湘潭劉氏與孟調賓門兄弟結
契家有海粟園頗擅林壑之勝一時名流多觴詠
其中其子枝麟枝鶴亦有時稱指揮詩工集唐在
都時集感懷三十首中有一生不得文章力萬彙

俱含造化恩之句一選人見之至於泣下枝牘作
海粟詩話敘述如此

小廬山

自注張敬
夫讀書處

山水足清娛幽人心所託雲峯插天表一一芙蓉削飛瀑
百尺強怪石青冥落巖腹透玲瓏巧若五丁鑿綠樹挂青
猿虬松棲老鶴瑤髮肆容與結廬愛林壑悟道發高契萬
籟參寥籟籟動靜妙根芽靈臺乃澄廓緬懷此中人淵源證
濂洛問津款雲扉自慚塵網縛

無題

辟疆深竹浪年年賸有閒心得地偏琴榻一絃青草月書
樓半几白雲泉誰人放鶴能長嘯何日驅羊得懶眠滿與

世塵分判出大都行跡愛神仙

紫府仙人賦遠遊碧城城外鳳麟洲玉田芝草堪遙贈錦
洞桃花莫浪流綠萼華愁雲款別杜蘭香夢月淹留當年
故苑長如此拂袖重登十二樓

曾理問清謨 十二首

清謨字次典湘潭人歷官廣西修仁縣典史直隸
布政司理問有雪湖詩草雪湖爲曾蟠巖刑部之
孫陳恪勤公外孫內外名家屈於貲郎張綱修九
鐔序其詩謂其以感慨寄託之旨溢爲愁苦悲悼
之音蓋其境遇然也

偶書

男兒重肝膽肝膽藉黃金黃金有時盡肝膽照誰深我有
舊相識臂諸膠投漆昨者過我門鞭馬如逐日得失有早
遲落蔭明秋籬牖下不可老出門將何之

過家上冢

挈家宦粵西北遷過鄉里傷心拜先墳一哭幾欲死遠出
十五年荒榛誰料理守墓無次丁代祭無餘子可憐寒食
節兩妹將寸紙歸來扣何遲墓木亦拱矣四顧添悲風所
得僅如此

長跪告先靈兒今又北去何日不懷歸到家不得住舊業
已蕩然一官成孤注豈必愛折腰舍此無他具一孫十四
齡小者甫離乳不能謀飢寒豈能看祖墓且將從兒行徘徊

徊淚如雨家賴五斗生身因五斗悞

春晚喜晴

山後山前風雨慣山人睡起開門晏今朝忽覺鵲聲多夢
回驚問天如何密雲溼霧空如埽鄰翁曝背呼阿媪太息
百花何不遲一番好事歸茶蘼

後湖水漲好事者泛舟爲樂感成一律

塘魚圍菜不須論十里農功未忍言鷗鷺入離眠細雨街
衢平水閉閒門畫船清管貧家淚紅粉高樓蕩子魂日暮
阿誰獨惆悵煙波一片是南村

漫興

醉罷歸來欲二更小堂帷幕正凄清月常賺我通宵坐花

不餒人半刻醒
小草煙霞分鶴夢
寒江風雨共鷗盟
翻嫌囊裏無多句
有客嘲余太瘦生

戲贈

落拓抽簪學散仙
勒街偏在萬花前
自將彩筆供官米
誰與朱門較俸錢
排闥任教春人夢
當關不報日高眠
無人代得金灣事
檢點東風又幾年

舟中紀事

亂山合沓水滌洞
兩岸危隄積古苔
歸洞客從雲裏出
荒衣人繞竹邊來
波閒野鷺和煙起
石縫閒花夾草開
消得春帆一卮酒
茅齋遙在夕陽隈

偶成寄湘中親友

錯料吾生只自嗤
遑遑畢竟欲何之
已判春老杯中物
遮莫寒添鏡裏絲
土語盡通羈宦久
鄉心如喪賦歸遲
鄰雞一任聲聲好
大不同前起舞時

不爲秋風始憶萼
無聊絕徼苦吟身
何當臥月雙扉晚
又得尋花兩屐春
世上定多青眼客
山中原有白頭人
敝廬松菊猶存否
羞問湖西舊日隣

偶成

兀坐枯僧意索然
忘機原在未官前
春秋不泯臧皮裏
青白何曾挂眼邊
潦倒半生沈宦海
太平隨處有藍天
無人共此清宵夢
且與羣山結靜緣

午睡

窮邊何處覓仙方春晝遲遲午夢長終古人才雕朽木浮生身世落黃梁明知戶外鶯歌好不信簷前燕子忙身際承平勞未得黑甜軟飽又斜陽

周訓導昭侃

四首

昭侃字桓若一字如川湘潭人乾隆中貢生官藍山縣訓導有錦灣詩草錦灣年九十餘始卒於湘潭諸周最爲老壽縣志摘其雨洗碧天空野馬雲蒸素壁走蝸牛及就中哦詠雙清譜如此風光六十年之句云爲時所稱以錦灣所著有竹蘭雙清譜也

歸途憩隱山用一源舊韻

自注山有胡文定公墓二賢祠白雲庵蔬菜橋龍洞

松花嶺

諸勝

歸路尋名勝清奇盡此閒秋隨大地老雲伴老僧閑曲澗

源頭沽懸蘿信手攀儒風高佛地仰止到青山自注文定號青山

白雲穿石潤流葉到人闌洞僻知龍臥松幽覺鳥閑古人

今一見道岸儘教攀此地聞天下自注有天隱山四字如何號隱山

乾隆癸丑天貺得從孫石芳館選報以三百餘年積

累之門才爲八十九齡之老眼所及見喜而有賦

瑞雪繽紛送子行榴花五月豔神京名駒獨步堪千里大

鳥三年始一鳴捧得斑衣將壽母夢將春草答難兄耄期

何幸邀親見喜溢吾宗與有榮

憶我堂開六十筵汝懸弧矢占春先迴翔玉署推供奉牢

落青邇老鄭虔好趁木天窺秘笈莫令晷影過花磚無窮
事業春秋富詎爲科名始著鞭

黃歲貢孝伊十首

孝伊字右衡一字道怡別號妙臯善化人乾隆中
貢生有芙蓉樓詩存右衡爲仲宣吏部子孫吏部
洞庭釣叟詩稿其所刻行也詩有格調不愧門風
山齋憶弟

獨絃不成弄獨影不成行如何鴻雁序背我去還方形骸
說無恙德業杳相望相望不相知歲月老茫茫林花亦有
侶林鳥亦相將物情盡如此思之斷人腸

朔風

朔風江上來盡捲枯蓬起飛飛將遠去故根暫相倚朔風
豈無力枯蓬有本根人誰無根蒂草木念舊恩

次涪翁韻寄簡守中

弱齡弄柔翰騷思振南邦百家盡排斥浩蕩觀湖江十年
客鐙火高唱寒暑窗孤城隻手撐矢石不受降緬懷韓杜
老海上鐘鼓撞嗣響我涪翁九鼎一筆扛大雅久不作奮
翅誰與雙襄陽問耆舊喜拜鹿門龐汝書來示我激厲仰
敦龐何時證宗派香醪指寒缸

偕門人灌錦坊看金魚

我本山林人泉石愛幽勝揭來城市間晨夕苦喧競擾攘
遂經春疲茶減吟興今日天氣佳黃鸝頗三請爰攜二三

子緩步招提徑入門
迴清曠斗覺塵襟淨
四面雜花羅好雨
新妝靚一泓
窈然開皎月懸天鏡
嘉魚清可數
响沫恣游泳
濠梁洗眼看心跡
無纖病
人生行樂耳無事
一身輕
君看勞勞客終日疲送迎

螺羸行

子蝨蛉母螺羸七日祝來真似我
勞勞化誨何瑣瑣
非我族類偏能卵
嗚呼非我族類
兮猶能卵
豈我族類
兮翻成禍
爾蟲爾蟲奈何可

古意寄孫裕甫

郎住湘江頭
妾住湘江尾
江頭與江尾
不離此江水
江水清且漣
匹練淨娟娟
與郎盪兩槳
拍浪采江蓮
天公偏妬

佳人手不遺名花耀釵首看郎折得一枝回沙頭拆散鴛
鴦偶鴛鴦聚有時夫婦會有宜終年掩閨臥蹙蹙老蛾眉
蛾眉蹙蹙何時好妝闥塵封不自掃水之坻兮水之湄葭
蒼露白爲誰期

木芙蓉

江上鯉魚狂作風刁調折盡木芙蓉精魂妖嬈折不斷化
作藐姑仙子容昨日花開纔一朵今日垂垂亞枝墮稜稜
風骨拒寒霜何異長江捩孤舵夜靜有人來叩門團團山
月上黃昏霜堆瓦屋淩兢立低頭欲說終吞聲可憐前日
茜茜花紅裙醉死公子家秋容冷澹誰人識幽豔獨抱空
谷嗟我向秋風三歎息花魂一去無從覓參橫月落斗西

斜滿樹寒光濃欲滴

獨酌

獨酌清秋夜停杯動旅情
亂雲流冷意黃葉下離聲
節物催詩變刀環抱月明
故園新釀熟紅燭計歸程

舒斗南訪予於東禪寺畱宿

寂寂禪關夜勞勞兩旅人
相逢都白髮卽事可傷神
計拙愁兒女年荒問米薪
老僧閒睡覺鐘鼓報清晨

哭舒斗南

北走幽燕道東馳秦岱間
金臺風浩浩銀海雪漫漫
郭隗招難到成連去不還
賣文兼賣藥肘後帙新刪

段徵君紹章

八首

紹章字卿雲一字蔚亭常寧人柱湖大令嚙生之
孫乾隆中貢生嘉慶改元 詔舉孝廉方正常人
以其名應不就有蔚亭詩集髦學編

漫興示承高

蔚亭老子目已昏終日坐如泥塑人醉後狂歌萬斛湧字
跡欹斜亂草真有孫承高善鈔寫點畫波撇皆停勻試以
經書亦爛熟斐然文筆尤清新承高承高吾語汝我之大
父爾高祖幼稱神童長儒碩經濟文章耀寰宇茫茫四代
子孫曾數典不忘思繩武汝生頭角露岐嶷錫以往名大
胡許聰明爾明玉壺冰生兒若此幾人能驍騁望野足將
奮騰鵬看雲意已凌予美醉歌非誇口況我未醉豈虛稱

春日雜詩

緩步扶筇出乘風體欲輕江山千古與魚鳥一春情病弛
兒曹課起催僕輩耕野田看播種節候已清明
一雨衆峯洗遙天放晚霞落花爭節序流水賤年華圓曠
春遊犢池荒晚聚蛙隴頭逢父老絮話及桑麻
避俗惟耽臥心神似半酣枕喧春澗水窗宿暮山嵐敗絮
常逃風藏書祇憊蟬邨居有何味薇蕨久能甘
用拙世難許撙奇興亦慵朝寒親爨火午夢破邨春甕逼
魚仍樂檐低雀可容閒階撐眼望霧欲聳螺峯
底事空惆悵吾生亦有涯詩書供坐臥歲月付煙霞澹種
深秋菊清煎近社茶胸中無俗物一嘯冷榮華

邨市苦囂濁水亭獨避塵翦林將待月藉草便垂綸白鳥
長爲客紅霞近作鄰居然岑寂地花發向誰春

酒樽連近舍遊屐遍深山豈有千秋計曾無一日閒氣將
虹比盛心與石爭頑輾轉從何述忘憂自駐顏

上漕

絡繹筠籠米蕭條里巷倉如何供正賦不及飽私囊百萬
揮劉毅三千食孟嘗寄言司牧者無負古循良

胡恩貢本

八首

本字孝淵湘潭人乾隆中恩貢生性嗜酒自號
酒香山人有以鳴集詩專語性靈時落江湖流派
今擇其稍沈著者存之

讀韓集

子輿拒楊墨聖道賴以表沒後垂千年微言曰幽渺昌黎
本秦俠陸緒欲遠紹自任豈不堅欲語妨顛倒魯叟罕言
仁此意無人曉煦煦既已非博愛焉足道莫小井中天君
未窮蒼昊

病中寄黃介三二首

索居無所適折簡忽相招有客來今雨談詩到詰朝美人
青玉案仙媛紫鸞簫厚意兼高詠何當更此宵

與君俱失怙我更早於君紙筆何能好言詞總不文墨池
枯孝水翰海闊孤雲每誦琅函句哀哀未忍聞

吾廬

瞰青含碧一窗舒窗下詩成手自書
竟日風泉聊偃仰舊時朋侶半蕭疏
高林帶雨低藏屋曲水浮花直到廚
自顧吾廬欣得所起分寒蘂護盆魚

春興

纔寫離騷墨未乾鄰家竹好又須看
閒中我自行忙令冷處誰知著
熱官草拂落花紅尙膩苔穿新筍綠
仍殘倚欄莫漫憐春去春去春來總一
般

依依張緒最風流我見翻輸少婦愁
落木又搖金纔縷春衣猶擁木棉裘
貧如美疢何庸諱閑是家珍底用偷
山對柴門看總好不須雨後不須樓

五嶽煙雲命駕遲一區風雨強支持
避山幾度徒看畫買

屋誰家肯要詩老去未能辭俗累春來翻欲與寒期冷晴
自是無憑事我與鳴鳩都不知

布穀聲聲不住催歌聲又繼鳥聲來客如海燕貧還至門
似山花靜亦開陌上豆觴何款洽雨中蓑笠更奇瓌力田
自是吾曹事但曰知書豈茂才

廖秀才國恩 八首

國恩字羣普號沐堂安化人諸生黃渥溪太守德
濂以一冊寄示詩有才氣卻不墮村俗派

遊石門關

石門之高欲插天石門之險不可船資江四十八溪水迅
流到此都迴旋我家相隔止數里全家笑語山光裏今朝

策杖快一觀未淩絕頂心已寒仰視懸崖勢將墜斂衣欲
坐還起避溪午不見日光來恍疑別自有天地其中粼粼
怪石多惟有不徑可人過熊蹲虎踞輒不去行者曳踵愁
坡陀絕壁猿猱不可上飛空瀑布幾千丈奔泉激石聲如
雷佇聽移時始獨往嶙峋聳出真奇哉巨靈仙掌何時開
森森石筍挂空際仰攀不得心徘徊雙門屹立僅容步石
角鈎衣行且住前溪遙指百花灘回首巖前似無路俗傳
古洞名三洋自江上有三洞深不可測豈無二酉書卷藏眼前古籍且
高閣何論漆簡多荒唐探奇無路興盡返蒼然暝色來斜
陽茅檐一帶炊煙羈村外數聲牛背笛重向石門關下行
我欲題詩寫崖壁

春雨晚晴

好雨初過後林泉景最賒綠添沿岸柳紅放隔牆花深樹
時聞鳥方塘未斷蛙杖藜頻徙倚山外夕陽斜

秋夜聞雨

幽齋初睡覺爽氣透書牀夜雨蕉窗冷秋風竹簟涼寒蟲
鳴斷續遠水聽微茫欹枕不成寐清吟引興長

閏九月偕同人登辰山

攜將筆墨作行裝乘興飄然到上方置閨幾經逢九月登
高方不負重陽泉鳴萬壑添岑寂雲起諸峯接混茫最好
山僧沽酒至頽然共醉菊花觴

晚眺

幽齋終日此披吟
傍晚開窗亦賞心
嶺少白雲知雨斷
山多紅樹識秋深
登高謝傳情猶在
望遠張衡思不禁
風景無邊詩興好
撚鬚一一細推尋

夏秀才世瑚一首

世瑚字冠山益陽人諸生

病起坐月

山館難成寐終宵月滿窗
病餘憐骨立吟罷覺心降
往事驚弓鳥微軀泛海艤
無言耐久坐隔岸曉鐘撞

段歲貢起玲一首

起玲字百朋號松廬新化人
乾隆中歲貢生有松廬文集
松廬剛介狷俠其學以堅苦樸實爲主躬

耕授徒資糗餼以養母非其力不食非其人不交
著由衷言內外篇自道所得亦心齋二曲剛主諸
先生之流也性狹隘不能容物嘗衆中面訐人過
無少隱爲怨家所忌陰結其徒挾所著內外篇以
誹謗上告時書禁甚嚴幾蹈文網會當事有知先
生者案其書實無狂諄語乃坐其徒誣告罪而先
生亦褫貢生同縣吳建軒先生思樹亭松廬文集
云先生漢書所謂獨行君子也陳岐陽先生錫周
贈句云清修有髮頭陀寺直節無官御史臺皆可
作小傳讀也生平湛深經術不畱心韻語所存僅
一首亟爲登錄先生佚事甚多吾里人婦孺能言

之隨舉一則皆足以廉頑立懦近時修邑乘者亦知爲先生立傳而曲諱其事豈足以知先生哉輯其詩爲識其梗概如此亦使鄉先生流風不致久而漸滅也

答陳岐陽見寄時岐陽官海南

清修有髮頭陀寺直節無官御史臺已分結廬人境外何時載石海濱回生天成佛誰先後社燕賓鴻自去來我是潛夫甘蠖屈勞君起蟄一聲雷

原注來詩有載得浮羅石符歸句首二語亦見贈句

文國子九苞 一首

九苞號槐村湘潭人國子生有課餘吟草句如夢回別院家千里秋在荒階月一痕滿院綠楊春漸

老一簾紅雨燕初飛芳草至今繁舊憾大江終古
咽寒潮萬山方暝月初上四坐無人雲忽流雨亦
有情畱客話酒無他妙養天機此類甚多友人貽
余一冊屬爲選擇翻閱一過爲錄題畫一絕亦足
以傳矣

題畫

一灣水竹曉煙濃繞屋梅香透幾重行過小橋剛數武人
家都被白雲封

劉秀才嗣再

三首

嗣再字錫九新化人諸生有懷碧堂草錫九爲乾
隆初縣學生至榜畧作令時計其年已近九十蓋

學中最爲老壽矣

送伯兄之蜀

驪駒歌未已行色慘征途南浦綠波渺西堂青草蕪
千里遠雁影一天孤白日看雲處高眠憶蜀都

寄家榜岳逢秦中

憶送公車出里閭又聞西向綰銅符宦情削似三峯未泊
術賢於五穀無關隴連年困戎馬資湘到處響菰蒲好官
多得錢何用早晚歸來共結廬

送榜前計偕北上

一樽清酒一篇詩一老龍鍾飲餞時官道梅花知送客昨
宵催放雨三枝

張石翁題 三首

麒字鍵周號石翁新化人諸生有石翁集石翁性
兀傲骯髒自喜嘗以經義爲廬召弓學士所賞比
就試名次二大憲曰此非知我者遂不復與試其
自負如此與陳岐陽大使交好大使有簡張鍵周
詩見集中

秋日登熊山

重岡疊嶂鎖叢林策杖清秋試一臨寒瀑流成千澗靜宿
雲開見萬山深古皇劍去巖扉冷仙女蹤沈石氣陰歸路
夕曛橫古寺暝鐘風送落遙岑

懸洞

懸巖盡綠蘿飛瀑劈空瀉安知非桃源中有避秦者

幽巖

清瘦如鏤成幽勝絕氛俗時無康樂流擬作地志續

沅湘耆舊集卷第一百二

新化鄧顯鶴湘臯編輯

長沙毛國翰青坦校訂

張儋州眉大

四十九首

眉大字紫宇號五渚湘鄉人乾隆庚辰舉人官廣東開建縣知縣擢儋州知州著有海南日鈔滇南紀行詩鈔五渚爲筆石先生之子早擅文譽初生時余外大父毛府君過其宅先生命乳嫗抱以見且舉溫太真試曉故事索名於府君府君曰此張氏白眉也遂名之曰眉大余幼時嘗聞府君述其語今外家凌替已甚張氏之後亦無有能知此事

者矣輯其詩低回係之

按先生有七十自述百韻中有除妖項羽扇之句自

注云開建縣署多凶前令五官相繼而死白日見大石從空而降莫知何來歷年無人住署假書院治事余爲文祭之卽於署側一路墜石而去自此居之無虞故以吳興項羽據廳爲此

猛虎行

猛虎在山藜藿不採壯士裂臂血賤其背

解一 劍華朝紅食

不如松青青在冬誰謂雀駟不如馬融

解二 蒼生而臭在空

蘭敗而香在叢誰謂龔勝不如揚雄

解三

大隱曲

沽得宜城酒光凝琥珀杯歡行峴山下莫醉高陽臺

解一 聞

歡下武昌大鵬安柔佛願借一帆風飛過解珮渚

解二 儂家

桃花岸天桃方作花一父黃梅雨結子當柰何

解三

行路難

鷓鴣食牛角口甘牛不知狝狝見人笑中乃戴禍機臨江
之康與犬戲終竟嗟嗟遭其噬齧歟不畏飛矢來含沙射
影何能避君不見峨眉含笑進甘言楚宮能使美人彫

明月庵

溪灘漫平流中流盪奇景石筍凌空出蒼然娟且靚凌兢
渡飛梁招提踞其頂明月下方出迴光照藻井四面吸山
光遙汀數帆影風鈴雨不停衿衣夏猶冷地近桃花源卽
此隔塵境

水石巖

巖柴一孤山雨洗山骨見渾沌何年鑿彼巖鬼工徧螺髻

秀盤隨龍目挺惹舊次且下冰窖突兀開唐殿石扇豁雙
扉天光逗一線森羅具衆妙指目隨所見藥藥蜂房垂鱗
鱗女媧鍊剔蘇險古碑篝火窺陰窕探攀拂飛礪鼉行驚
蟄燕俯入或仰出左穴忽右穿下入不測淵一泓漾碧淀
想見雲雨時虛堂起雷電未敢恣幽探且復憩僧院恐遇
洞中仙歸來市朝變

中秋泛舟三首

中庭不滿弓常苦得月少出郭理輕臚流雲忽已埽平生
未到處舴艋恣幽討緣延歷曲地徑轉得層島老樹疑夕
霏平沙橫荇藻推篷一展玩笑比城中好

待月宜在樓玩月宜在舟舟中一迴望有人樓上頭美人

與客子共此一輪秋明蟾太皎
潔脈脈各含愁笛聲起水
涓涼颺動眠鷗蒼顏四五人
軟語不能休

解纜尙徘徊放酒舟自發微嫌
江水急煙樹失倉卒周遭
石砢旁淫淫動浮沫草根風
露重一路秋蟲咽遙望郭外
樹頓覺山城濶波閒星瑣碎
樹隙鏗明滅弭節風吹衣歸
踏街心月譙樓秋點長清歌
猶未歇

辰河道中卽事

四十里灘三十里潭灘水急如
箭潭水綠如藍上灘行蹙
下灘纔一瞥巨石如屋凹復
凸怪獸倜倜怒相齧水聲
語雜喧冠金戈鐵馬爭勇決
長年負纜挽萬鈞驚馬鹽
車上九折蹢躅勃窣尺寸爭
倔強泥沙時掣跌嗟哉命輕

人鮓甕南船北馬走屑屑登高臨深古所戒胡爲甘尋覆
車轍吾將南嶽鑿龍龕不然岷山餐紅雪

赤壁懷古

黃星照地血洗刀誰其應者當塗高郿塢然臍官渡破北
部校尉稱人豪太乙靈旗指五湖萬里長江接舳艫橫裂
灘酒望夏口意氣似欲無東吳紫髯碧眼孫車騎雀頭行
卻魏王使豫州使君投毬來狼石謀成樹麾幟東風習習
吹赤羽一道江光明練組元戎顧曲曲未畢十萬艨艟付
一炬黃金斑斕出閭門蠶叢國屬靖王孫長江南北成天
塹從此炎鼎竟三分蟻爭蝸戰向千載山水雄豪空復在
鷗鷺飛飛陵碧嶂蘆荻蕭蕭圍故壘黃州西望弔將蘇我

亦斗酒烹鱸魚祭風臺畔尋遺址樹頭惟有三雨鳥

上坡行

上坡行僕夫歎詰曲石棧插天漢天梯有路歎夤緣磴磴
滑澁石棧斷遙望山腰似層巔不知百盤始及半我馬未
秣長苦饑終朝鞭策流赤汗噫吁嘻上坡之難君勿愁陰
雨戒慎無摧輶

下坡行

下坡行僕夫歡下視丹梯芒屨閒放腳飛下羊腸嶺依稀
乘風借羽翰斯須莊馱登要路牛駿馭精坂走九途過行
子方息擔笑爾哀歌行路難下坡之行君勿喜失勢一落
千丈底

嶺南四時詞

海國長春花事接今年芳樹去年葉昌花院裏散衣香惹
得羅浮五色蝶拜清節過換寒衣白鴿調毛人未歸誤捲
珠簾見春色紅棉花未唾絨飛

白葛丹紗涼似水洋藤小簾光如綺枕邊茉莉串銀絲花
氣髮香同旖旎新篳荔酒作流霞醉遣鸚鵡爲喚茶試點
水東人面果定磁盆內見梅花

蜥蜴盤窗人夢醒銀魚風起秋衾冷紗窗斜對玻璃屏一
點新螢逗孤影小時撥得摸魚聲待月珠江無限情指甲
新將金鳳染桃花片片落銀箏

牡蠣牆高深院暖蝦蟆更遲潮雞緩鱗鱗鷺瓦霜華融融

仙山茶紅氣滿西洋花露嫩寒凝半臂新裁紫色綵寫顏
頻阿鵲鵲硯迎年又製素馨燈

雷陽觀海

漫郎家狂瀟湘尾岷江西來匯南紀洞庭巨浸裂地軸氣
吞雲夢九百里振衣直上嶽陽樓湖光瀾洞渺無埃自謂
大觀奇絕天下無平生芥蒂時一洗踰嶺南來觀海若始
覺蕩雲沐日歎觀止雷州海安城瓊儋相對峙東潮方落
西湖起自注雷瓊兩東上則西落飛渡朱崖只寸晷黎山
五指高捫天鏡面微茫著黑子西通天方北渤泥東泛琉
球南交趾島嶼破碎不可求但見青青一氣無纖滓大鯨
背上負山林長蜃氣中化城市天妃絳節神恍惚海女紅

裳形俶詭莊生齊物物鄰齊齊諧志怪怪無幾我思東西
南北皆巨壑星辰日月出其裏應知水載地初非地載水
人於其間寄蜉蝣何殊坳堂芥附蟪不知何事走踉蹌坐
令風霜侵髮齒此海闊人幾朝代風馳電逝同一軌寇公
歸去丁公來蘇子生還章子死往事變滅隨東風惟有寒
潮日夜齧城壘徑欲訪三山採瓊蘂鞭石爲橋苦無術魚
鼉成梁不可恃金銀空闕望見之海風引舟還故址吁嗟
乎安得南遊岡畏北沈默盧敖俛身隨若土放眼縱觀香
海大九州下視南溟蹴沔耳

長安寺

白住寺周遭皆石穿水石巖石轉至
此縱目遠眺如鳥出籠天地異色

出谷曉層阜山腰古道場天光忽披豁石氣自蒼涼沙路

交平野陶煙散大荒芒屨聊一息柏子已聞香
古寺何年廢先朝碑尙存傍簷還種樹累石便爲門有客
看雲起無人識水源龍鍾老居士占斷好林園

送舍弟非池往德慶

飄泊勞生事乖違笑此身一官無長物累汝更依人爲客
俱華髮臨歧况早春應憐衙退後誰共話酸辛

予壯負奇氣余衰諳世情笑談俱不易懷抱尙誰傾且讀
桐君錄休爭酒戶名

白注弟精醫術酒後或攻人過故戒之

後秋風江上起期

汝共歸耕

藤縣與謝秩齋話舊

旅食京華日重逢又五年牽絲荔子國把酒櫻桃天潦倒

束腰帶清貧無秫田平生經世志相看各華顛
地接東西粵一官同病憐簿書迷謝朓簡檄役張騫作吏
原宜俗還山直有緣何時俱解紱歸釣洞庭邊

次袁東圃滇南感懷韻

醉把竹如意長歌續短歌夜談如雨久秋氣入詩多
笥裏貂裘做懷中刺字磨探梅猶有興攜手上嵯峨

銀壺山馬伏波廟

矍鑠精神古廟存村翁伏臘薦雞豚雲臺諸將戰袍冷溪
峒百年遺像尊賸有飛鳶沈薄霧誰憐馬革戀殘魂壺頭
濁酒迴鵝鸛彷彿軍容畏烏猿

得家書

辰陽近得湘西信問我髭鬢白幾莖去燕歸鴻常不及繫
風捕影竟何成中年醉後情懷惡異縣書來感慨生卻羨
南鄰角巾老瓦盆盛酒閉柴荆

道鄉臺懷古

衣上雙蟬識竟成諫臣遺址尙書名誰憐朝宁無公議稍
喜山僧不世情北望天門猶虎守南來蕭寺只狐鳴空令
湘水添騷憾千載難消哽咽聲

嶺南雜興

劉郎北去送降箋霸業銷沈八百年故國樓臺餘鐵柱美
人金粉付花田興亡譜入珠娘曲戰伐停催下瀨船此日
芳春園裏月紅雲何處照蟬娟

選勝尋春蕩畫橈名園古刹舊僧僚菊花開處當三月樹
種移來自六朝綠翼收香人悄悄紅牙勸酒夜迢迢南遊
蘇子誇奇絕欲拾新詞入舊瓢

殘荷

碧筒曾得吸清香一夕離披滿玉塘誰翦錦雲招翡翠空
留殘葉蓋鴛鴦別來洛浦人千里夢想蒹葭水一方三十
六陂微雨後可堪惆悵對斜陽

又一首

想向淞池暫寄根愁聽終夜雨聲喧泥啼存恨絲千縷天
上無情月一痕秋水堪將風貌憶拒霜體兒典型有可能
直上華峯頂十丈長看玉女盆

滇南雜興

一官落拓嶺東頭，捧檄西南上益州。銅柱鐵橋關塞遠，黃

茅青草瘴氛稠。壁花風起晴添霧，賣雪人來夏被裘。自注大理

府六月作客他鄉憚淒屑，無端振觸惹閒愁。

天塹雄封控上游，前朝屢置羈縻州。巴關夜照秦時月，錦

竹春生漢使樓。龍尾城旁方問罪，鹿蓼塞外又維舟。憑高

試眺萬人冢，自注蒙詔葬天寶將士於此蔓草寒煙指點愁。

蠻觸無端盜弄戈，封民僭號又長和。自注蒙氏僭號封民國鄭氏僭號長和國

金沙未斷西番路，自注高駢敗吐番於金沙江斷其鐵橋玉斧先分大渡河。

自注宋太祖不欲伐滇以玉斧畫大渡河曰此外非吾有也爨國尙傳蝌蚪字，自注爨人作楚

書字如蝌蚪爨人猶記白狼歌。漢軍自是天王地，碑勒平南合

早摩

自注元世祖作平雲南碑

中天日月仰光華四海車書始一家蒙詔空標新嶽瀆

自注

蒙氏於其國中

借封五嶽四瀆白崖今見舊雲霞山茶濃發皇華館桂蠹

香隨貢使車見說朱波皆置使

自注綱目古朱波

蘆笙樹酒樂無

涯

諸葛天威階徼外升庵文藻在江山隆中躍馬終開業海

上看羊竟未還

自注升庵自比蘇武

瀘水秋深雲漠漠碧堯夜靜月

彎彎

自注碧堯精舍在滇池側

只應雞足參迦葉

自注寶川州鷄足山為迦葉入定之所

榮辱升沈盡等閒

九府泉流漢五銖年年坑冶賴均輸

自注時余採辦滇銅

從教寶井

歸陶孟

自注猛密寶井本邦陶孟主之

未把銅山賜鄧吳太史使星占益

世中郎故檄訪斯榆此行不爲祠金馬持節差賢諫大夫

宮詞

新涼侵繡幕添著藕絲衫團扇待餘暑徘徊不忍緘

舟中望頂湖山

自注時奉檄赴滇

山翠冥濛滴山容窈窕姿可憐山下過不是看山時

瀟湘入咏

瀟湘夜雨

暝色蒼梧來菰蒲中夜響明朝杖藜行斑竹新筍長

洞庭秋月

水光八百里月光八百里露出霏煙沈月光澹如水

山市晴嵐

雨晴留杳靄澹抹昭光尖翠色空濛裏微茫露酒帘

煙寺晚鐘

不知山有寺薜荔響疏鐘何處招提境寒煙七十峯

平沙落雁

嘹唳過衡陽沙汀留一夕孤雁獨到遲一聲遠天碧

遠浦歸帆

路從高塔轉煙外雨絲絲縣郭分明見帆檣故故遲

漁村夕照

家在桃花源茅屋圍荻蔣落口半江黃長竿正曬網

江天暮雪

怪來天不暮積雪滿平野極目上層樓寒光萬里瀉

遊七星巖僧雪峯寫圖以贈賦短句酬之

羅含有宅在江干水木清華石氣寒七十二峯歸未得名
山只向畫圖看

對雪

東合關山在昨宵石頭路滑絕山樵好將松杓添前浦賣
酒人來欲過橋

孫嘉祥理 五十一首

理字此堂長沙人乾隆庚辰舉人歷官山東鄒平
嘉祥知縣有柳簡堂杼稿此堂性恬澹去官後宦
橐蕭然仍爲村塾師資脩脯以活吟詠自適柳簡
堂諸體詩意境幽靜風調諧適邦人嚮有知者余

從友人許借得一冊亟爲選錄次於張五渚刺史
之後不知爾後有知此堂爲詩人者否可慨也已
余存吾編修云此堂亭古高瞻精操自厲平生無
他嗜好獨喜爲詩落落自異不肯效世俗俳優之
習故詩不多兩官縣令家甚貧不以一介易其操
罷官後琴鶴一空父老爭持米蔬以歡可不謂賢
與所存柳簡堂詩高妙自得其淵源出自漢魏而
性情學問則醞釀之功深矣

亭午

亭午深巷靜雞鳴棗樹圍坐看游絲駐闌無人事喧春風
襟帶緩持杯望遠天豈無羈旅歎取醉復陶然

夜起

東鄉塞決河北鄉訟積水西梁更汪洋雨意猶未已欲禱
神無靈欲訴人誰理歎息此窮黎徬徨終夜起

去嘉祥作

官貧囊裝輕僕夫候旦發推挽出南城曠然眼界豁如彼
拚飛鳥飲啄樊籠脫清明景氣和原草青青茁驅車卽往
路迴首忽如失遲遲閭閻歷歷憶前日川原旱潦憂經
營志未畢尸素愧清時字人有何術

偶興五首

東風吹日夜草木各欣榮霽景園林暖時鳥懽新聲太和
鼓羣動寒律爲之更盈虛有代謝孰與元化爭繁惟達觀
者冥契得無情

彭澤歸去詞昌黎宰相書出處各有宜異軌而同趨駕馬
行負重局促困鹽車安用長尸素簪紱縛頽軀謝脫羈鞅

去長嘯歸樵漁

齋前兩松樹昔別將成陰別來日已久懼爲樵者侵江河
無舟楫長路阻遙岑靈輒宦三年鍾儀操南音嗟嗟失路
子日夜摧羈心

端坐覽羣書悠悠念古人頽俗競聲利古義誰復陳投帙
出東郭臨風弔田文賓館已蕭颯日暮起黃雲意氣亦長
往千載此虛名

巍巍羣山上岱宗何超軼振衣凌其巔雞鳴看海日飄渺
海雲東彷彿三山出便欲凌風去服食采仙朮咄哉安可
期相望徒壹鬱

書事

久坐課孫書嘖嘖困餓劬起視廚煙冷感喟正躊躇
大迎客提挈紛前趨腥蔬及酒麪再拜委階除
節無乃缺所須部民如父子幸弗厭區區
愧我生愚聊用充朝膳且復醉須臾

雙槐軒

我來何所事日臥雙槐閒槐顛羣鴉噪日久望巢還幽獨
易生感況復西風寒芳園漸搖落鳴蟲淒夜闌仰視天邊
月三五正團團明月幾回圓歸思遡雲端遙憐兒女憶望
月起長歎

秋深

秋深鵲鳩鳴西風原上草芳意能幾時零落一何早客子

懷故鄉長路漫漫浩浩濃陰塞太空
眴眴色枯槁獨立晚蒼茫鬱紆傷幽抱

別鄒平諸生

遠宰窮僻邑官罷無所歸多士懷高誼晨夕來相依爲我營餼糧征車亦以脂脾輦共披豁何修而致斯期各崇明德無忘此別時

別鄒平父老

昔我初蒞茲人言俗最敝我來甫及期懽愛無異議問果何以然謂無擾吾事扶杖送將歸爭執百錢遺父老安我愚我則良自愧

舟夜

獨無寢開窗候明月夜深霜氣清水而微風發冲融
波輕波星垂影明滅幽幽蘆荻深聲塵宵然絕沈冥憺無
心清虛坐超忽

歸峽山草堂作

本乏經世具竊祿慚清時一去二十載歸來鬢成絲風雪
歲月晚過嶺見茅茨親知半凋喪少壯歡追隨閱我舊書
帙理我舊琴徽聊適靜者趣從此享鋤犁

雜詩

蓼蟲不知苦卽且不避毒物亦有自然安能易所欲傀儡
夜登場巧拙爭轉燭豈不各一時榮落互相續所以方外
遊冥觀心自足

深山有茅屋時復愛躬耕倦即藉草臥饑煮薄田秔無心
復無事鼓腹學堯氓故人適在念千里越豫荆旣至忽欲
去夜夢鍾山英

月下吟

孤城落日終風歇獨玩梁鄒城上月城東皓月出滄溟萬
里清光落洞庭湖上草堂千嶂裏月華流照淨如洗苔徑
巖扉共此時松陰滿地弄參差林猿谷鳥誰爲主可憐迢
夜最相思

望岱宗行

雲爲車風爲馬須臾送我天門下雲巒
高遶青徐野繩輿曾記昔年遊曲磴繁
上頭漢

碑粗指點官事未了難淹畱自來茲山多難異神仙窟宅
登封地處處香臺闕石壇時時玉檢流雲氣海日紅看萬
丈長羅浮遜此真扶桑悔不當時宿日觀清夢一斷空徬
徨我今自分一冗士波濤不向井中起形謀原離毀譽閒
意行長在煙霞裏清景猶堪續勝緣芒屨竹杖從此始

道州雜詠

飄泊乾坤遠江城意緒多山多連粵嶠水自注湘波巫覡
荒祠去苗獠小市過鴈鵠啼苦竹格磔滿枝柯

九峯霄漢上蒼翠總堪疑古木重華墓秋風二女祠流傳
蹤跡幻歌哭性情移極目高山近蒼梧日暮時

劉賈初開國春陵剖漢符新封移白水舊號襲蒼梧城郭

容羈客江山入畫圖頻將臨眺意收拾付奚奴

石魚湖上月渺渺照詩魂小舫年年換華星字字存高懷
歸退谷勝概覓湮樽惆悵泉名漉潺湲浚弄曉昏

自是門生黨甘爲吾道窮別來憐薛約謫去弔重瞳萬里
襜帷遠千家杼軸空勞心惟撫字遺廟謁陽公

霍相功雖盛張公意頗微一言監國事三黜竊天威夜月
嶺猿嘯秋風山鷗飛天書猶有奏寇老憶綸扉

不睡茲鄉地巖泉茂叔居祠堂畱俎豆碑石照圖書濂水
澄無極元山切太虛每來吟弄處駐馬一踟躕

暑退聽諸生讀書

暝坐簷楹靜蟲聲四壁聞風清初過雨月朗欲消雲白衿

宜秋早青鐙入夜分小

正是酒微醺

淅水秋夜

鄉關歸夢遠庭樹晚涼生

秋月長貧累故人移鐙

饑鼠避入戶語蟲親燕趙悲

從來感慨頻

臨清晚興

城郭燒殘夜黃埃日又斜嘶風聞戰馬繞樹見歸鴉江海
萍無蒂星霜鬢有華閒居宜拙宦飄泊轉思家

醴泉寺

范公讀書處春山深復深泉清流石磴寺古入松陰倏爾
離塵界悠然生道心平小齏粥味於此細探尋

辛丑除夕

今夕是何夕團圓非故鄉一官方治拓十口共栖皇湖外
還家夢天邊餞歲觴自憐何意緒夜半理衣裳

曉起

山城眠未起日色暖窗紗覺後頻看歷春來倍憶家南村
元亮井東郭邵平瓜何處菟裘是吾生亦有涯

官舍

官舍似郵亭經過一夢醒勞勞憂蕩析草草費經營野藪
供廚膳秋花落訟庭梁間新燕語應話舊居停

齊河道上

斜日城西路高林水北村人家園樹色漁網挂柴門蕭蕭
秋聲遠蒼茫夕靄昏移枝無宿避客噪紛紛

臨邑晚眺

晚照晴開萬井煙，凭高秋意滿山川。
催寒砧杵連村落，截雨虹霓掛海天。
南國蒼茫迷遠望，西風搖落感流年。
灤源兩度吟黃葉，又聽犁城八月蟬。

濟寧夜雨

征車勞頓幾時休，草店宵依太白樓。
魯酒那能消旅懣，楚歌原自有離憂。
好花陌上春光老，細雨簷前暮色幽。
燭影不教人寂寞，明明相伴數更籌。

辛丑六月二十六夜對 約賦喜晴

喜見星河分外明，遠山嘹唳暮鐘聲。
千村破屋雞豚靜，一夜西風天地清。
水氣正當吟海戶，煙光不似灌壇城。
知君

亦未忘民瘼極目蕭條自乞晴

寄黃二又衡

纔逢天放遂初衣况復衰殘得息機宦跡來如海泛鄉
心早已共春歸山閒松櫟樵僮徑浦外
釣客磯寄語來尋幽勝處耦耕從此不相違

春興

百花如錦草如煙韶華二月天白嶽壓城雲擘絮清
河夾岸柳飛絲苔深曲巷無來跡几靜書是舊綵鎖日
窗前塵事少爲憐物候拂吟箋

和煦風光換衿衣茅簷移榻就晴暉雲坐樹間
水銜泥看燕飛往事十年閒處憶
一里夢中歸可堪

衰鬢長爲客愁對青青草色肥

蕭然一鶴返茅茨攘臂來逢拯溺時
恨畫蛇終是誤留連腐鼠竟何爲
當年鄭俠呈圖意此日陽城署考詞
賴有鶯花憐放逐不教牢落在天涯

天畔頻登望遠樓望中春色接潭州
層層綠樹遮難斷去去黃鸝挽不留
歧路風塵桃李杖重湖煙浪木蘭舟
歸懷無計堪乘興醉酌村醪一散愁

城樓晚眺

城上樓虛夕照平荒郊搖落客心驚
林閒風咽蟬聲老塞外雲扶雁羽輕
浮世自來迷蟻穴故鄉今已訂鷗盟
高空誰伴孤吟興羈望徒傷萬里情

自襄陽至漢陽舟中作

河裏千里一帆輕
欲濯塵纓此最清
日落荆門山出沒
雲開夢渚水縱橫
天涯裘馬黃金盡
歲晚江湖白髮生
飄泊請看寒雁影
沙汀葦岸自哀鳴

夏日閒居

長夏偏宜水竹居
一甌苦茗一牀書
高林布葉深遮戶
小砌疏泉淺鑿渠
自愛漢陰機事少
亦知中散世情疏
北窗聊復偷閑臥
敢傲軒裾不我如

卽景

雲樹浮空翠煙波入渺冥
江山和晚色送雨滿孤舫

發鄒平

霧霽黃山澹霜寒黛水清秋來多景色送我出鄒平

舟次祁陽

城煙水霧兩冥冥短纜斜檣向晚停猶自江山千古秀不知何處有吾亭

辛丑十二月二十二日

十載風霜兩鬢絲勞勞身世欲何之侵晨簷樹烏鴉噪正是邯鄲夢醒時

晚涼

詩如太傅終身樂官後斜川半日閑櫻扇葛衣真自在清風皓月總人閒

自題看雲小照

汝今六十有何求如此形容惱更羞只合墻除松下石避
人閑坐看雲浮

沈湘耆舊集卷第一百三

新化鄧憲鶴湘臯編輯

長沙毛國翰青垣校訂

潘昆陽相 三十七首

相字潤章一字經峯安鄉人乾隆癸未進士歷官
山東福山曲阜壽張知縣濮州知州雲南昆陽州
知州著有三經目錄金華集禮記釐編輯注琉球
入學見聞錄轡文書屋集畧約齋文鈔潘氏一
家言等書潤章先生爲吾楚儒碩以乾隆辛酉拔
貢充武英殿校錄琉球官學教習其治福山也日
以經藝課士如嚴師然福山王氏爲顯族通經績

古之士多自先生發之吾友再成大令餘英官寧鄉時屢爲余言如此子其焯撰俎豆集亦有學行詩不見

詠史

庖犧仲巨擘羣聖盡牢籠草創諸文字萬古啟屯蒙信是乾坤訥開天倩神工馬遷紹名世本紀肇有熊法服無冠冕見譏紫陽翁

炎帝教天下耒耨興麥禾九功暨九敘因之起衢歌先天無著作點畫誰編摩取益取噬嗑所得孰與多

彎弓鹿山野飲馬羊水瀧穹天開迷霧一鼓收瘳龍奇兵教獬虎三摧阪泉幢聰明作元后天命統諸邦非聖論周

武髯蘇母乃隗

吾聞高辛氏子孫多孝慈如何傳帝摯輕擲丕丕基神靈
甯溺愛子惡亦不知放勳鑒前轍舅廢歸訟兒

惟昔共和前歲年不可誌我讀皇極書託始堯踐位咄咄
渭上軒作編張前幟春秋憑改塗典謨任割剝僭主亂天
經應附吳楚議

月正承嘉惠受終總萬幾元臣猶望日天子自垂衣創起
郊禋禮初宣玉帛徽當春修歲事率土仰皇威居攝沿譌
謬封禪肆謗誹千年尙耳食誰與訂其非

小小

小小愛春華絡頭趨時好二十尙奇怪凌空力排界蛟龍

怒牙角神鬼張旗纛雕篆費精力軋茁肆陵暴五載對空
山羣言盡除埽魏晉尋川流班馬卷海潦三王祭先河洪
源首謨誥精義式浮靡渺慮排粗糙古風雖已遠抗心希
欲到傳語共學人胡不言慥慥

苦雨

一雨度三春到夏遂漫漫屏翳執成例雷公翻前案初殺
忽嘯鳩纔霽又鳴鶴晚虹虛張幪屢戰皆敗散朝霞日建
標翻盆水汧汧飛瀑山露布懸霧樹挂幔花容盡憔悴柳
絮遭錘鍛莓徑欲生潮麥隴眞翻瀾殘莖華不揚敗稂聚
未半驛驛東臯苗舉族長泥爛神潢強抽萌凍冰苦拉幹
惟有稗青田逞勢見雄悍孤貧勤力農農言君勿歎鬱鬱

晚翠苗倍收可歷算殷憂啟聖賢百物亦同斷

憶昔

原注丙午丁未連年大水

憶昔丙丁歲秋禾沒鴻川饑民公剽掠白晝聚千船穀冠
講學士花帕爲長年躲身磨什伍劫穀搶官錢官兵分迫
捉烏獸竄爭先大波蹴地轉旬轟猛以遄浮厝隨浪去拋
碎永不還連邨撒華屋比戶棄良田朝餐鴨舌菜暮煮紅
蓼饘持男索斗粟掉臂不悲憐千錢買少婦轉販若流泉
舉舉名家子爲奴忍筆鞭獻歲復大瘡殍尸堆道邊舊時
冠蓋里狐狸噴腥膻蘆荻高壓戶晝砍夜復鮮

悼琉球國官生梁允治金型

咄咄兩官生久米名家子生長海天南相隔萬餘里北學

入中國見我輒歡喜如何兩月餘相繼而至此金生體素
瘵初見愁難恃梁生敏且強勇欲追前美堆架洛閩籍鞭
辟惟近裏手著已等身質問忘移晷暇日多清詠慨恍摩
盛軌更老顧之笑丁甯細摩砥豈意命俱乖一病長不起
天子卹遠人後先 賜恩旨葬之利禪庵厥塋亦修理
錫以養母金高堂供滫飴兩生素心人存歿總相倚九泉
更奚尤得茲亦幸矣嗟余何所緣挾冊來槐市騎驢六七
載有如萍泛水值生四人來迷師慎擇使相逢喜盍簪意
氣諧商徵誰知歡聚場忽成憂患壘人生天地閒合離各
有以况與異國人結契甯湯爾獨坐不能眠側聽魂在几
歎息遂成詩感念何時止

郊城差次酬周貳尹良夫及其嗣秀才東洋

于役至郊墟投刺哦松屋令子出應客清標森綠竹笑談
挹羣言胸羅天列宿主人歸自濟疏濬在河濱一官二十
載強項不局促我生墮風塵驅馳慙鹿鹿入座聽嘉論疊
疊開心目每云宋商邱曾食福山福作令甘清貧厥子管
樞軸廉吏信可爲貪吏空怨讟有味沁心脾况復饋粟肉
東洋古爲徒驅策閑輿輻慷慨贈長句輝我見聞錄罡風
海濤簸雷起羣龍窟俯視萬川流一勺徒滲漉方今盛文
章揚馬競馳逐揣摩有陰符原注東洋自選一編題曰陰符一戰摧羣轂
力扶大雅輪後來更誰屬

造書山

山以造書名何無倉頡趾豈是秦李斯從行偶寄此火焚
蟲鳥篇揮灑小篆體書成張其軍謬言神所使洞中聲不
聞洞口門不啟對奕人何在千古聞樵子回望芝山碑茫
茫大海水只有同文心秦皇燒不死

渡河同熊孝廉南湖

朝發亢邨驛鞭馬疾馳驅溪深不可厲遣僕問田夫給左
左陷大澤裹回韁揮策筆長須逆流西行七十里廣武山
頭日斜晡野曠腰鎌口雁鶩縮手唱公無渡河林前泥淖
深且遠墮落坑塹薶羣騾我馬又瘡我僕痛扛擡百計空
長吁惡風怒浪乘昏黑羣盜恣搜潛萑苻進退狼狽無人
色坐見困苦受剽俘重賞之下多勇士一聲掀馬出泥淖

倉皇拂拭上官船月照雙帆驚復喜穿林爭道東南行榮
澤縣鼓已三更我友眼花冠挂樹公然墮甌不問顧大言
富貴如浮雲脫帽露頂行吾素茹店土飯且高歌行人那
得知其故

張邑侯新作范文正公祠落成歌

文正之祠何壯哉層樓岌岌宿斗魁龐鴻臚男百川洄謝
山梁藥高崔嵬憶昔石址臥青苔螭碑最屬塵埃霾雨淋
日炙摧風雷神物守護煩喧阗春秋不泐傾荒臺蕉葉漸
歷鬼悲哀有賢者牧操刀來迺新斯宮狀偉魄柏欽新甫
松徂徠左右前後壅荒萊秋翻穠稔夏牟秣坎隱霧消田
每特興鄉校廣栽培周情孔思鑄英才濟濟多士咸受

裁春風習習溫粥杯夜雨灑灑灑灑枚名賢書聲相督催
池紅沼黑千年開大官艤舟故徘徊韓碑柳雅何恢恢騷
人遷客爭趨陪金薤琳瑯詞麗瑰野我搜勃爲世咍只此
憂樂後先懷范公勛業更誰推中宵朗朗瞻三台

四月十七日巡雨登芝陽山記事

丁亥仲呂律吹灰茅山不雨已四月大麥乾枯小麥死阪
田一片無耕垡或於窪地種高粱塵霾靈芽遭天闕雷公
閉口風伯厲神龍偃蹇臥溟渤齋居小閣細凝思微忱何
由達絳闕欲效楚俗火燒龍一試安敢再唐哭亟檢古冊
請雨法董子遺術細詳覈南門外建舞雩壇置大神前自
寶訓當時用事龍七尺朱繒四面高檐揭

原注時日名位
器勢皆以七

故率厓厓陳詞祝雞酒膊脯薦肥腓司空壯女與嗇夫紅

衣立舞甘曝喝開陰閉陽更多術拘束蝦蟇輒蜥蜴楚燔

雄鷄老豕猪

原注豕猪本牝猪宋本乃改爲母猪又屢老母猪未詳所謂

陶井掀曰開

池竭官紳齊奉太常齋虔誠跪捧香秘辭何幸上天哀蒸

人我纔宿壇雨汨汨雨後策馬郊原遍高高下下頻穿掘

好雨均堪一犁足來牟其蘇禾其茁黃髮兒童咍笑口於

今纔免食糠粃行行南東到芝陽舍騎登山攀碑硃丹陽

仙影居巉巖神仙說甯毋恍惚神廟清幽供延眺婆娑古

洞摩殘碣四望平原襟抱開只慙終年勞矻矻眼前景未

記吾曾從知政理多忘忽我聞海上三山島虛無縹渺仙

誰謁修真有訣只認真儒林循吏理不越我歌且謠兮歌

初發蛟龍爲我騰巖窟

客有吟袁公安鄴城懷古句者詩以反之

便作詞場看吾猶薄鄴城

原注公安句云只作詞場看何人不可傳

可能雄後

漢甯許復西京亂瓦朝雲色哀絃夜月聲何如諸葛表忠
盡配阿衡

同張度西和李麓堂登良鄉城樓望西山元韻

久策金臺馬新吟玉笥山望中如列笏輿處欲連環地枕
雄關險天依山水灣自公多暇晷層嶺見春還

海鏡亭觀海燈

海天空濶處明月照樓臺萬鷁浮燈出羣鼉捧炬來無風
星競渡不夜霧全開神物驚相逼潛逃莫敢回

臨淄道上

曉征南柳樹泥路雨濛濛赤日曛天外紅雲蔚海東錯松
猶禹貢雞犬自齊風亦有徕陽客誰誇兩牡雄

北闕榜發後李明府麓堂邀觀西山柿林時惟落葉
滿地有感而作

陟嶺尋芳又歎遲風飄萬片益淒其紅顏強半隨流水碩
果依稀戀舊枝寂歷寒泉人逕外荒涼古洞鳥歸時使君
地主欣相慰酌取清尊酒數卮

秋聲剝落嬾耜梳老去還悲壯不如生理難憑金薤字浮
名只益貝多書蕭森客路嘶征馬淅瀝山邨擁廢廟誰念
殘紅回一盼上林春發正扶蘇

琉球國中山王表請諸生歸國時余病瘼已七月矣

口占一律

廿旬臥病釋殘書長夜呻吟遣小胥不死膏肓真有幸再

生天地竟何如立誠敢許希君寶奏賦由來薄子虛原注五月

引見以奏對未稱旨歸班或謂不宜太老實故云四載傳經剛畢事蓬萊翹首

紫雲舒

書大福嶺筵有引

梁生行官曰松島世名大福嶺琉球國那霸人也事諸

生暨余最謹肅梁生卒收拾其行囊無所失春秋朔望

輒典衣為敬饌祀之四年如一日辨義利摘聖賢語錄

書座右工其國依舊花書用球法讀小學四書夜深猶

聞云原注列平聲

呀葛聲賢如衛臣僕當不老私家矣於其

歸詩以張之

一辦長尊舊主人忠謀古誼舜天民

原注琉球開闢曰舜天民

心無

機變甯懷土室有箴銘不浣塵依魯花書龍踴躍云呀葛
響玉琬璘球陽會見搜巖穴許爾公朝妥韞紳

福山雜吟

山川禹貢記嶠夷劉豫更名竟不移好古猶存義仲宅多
文久廢李斯碑槎無童女求瑤草戶有耆叟織屨絲莫以
魚鹽卑相業烝民利賴到今茲

忝竊親民師帥官循行甯惜跨輕鞍高華猶日餐粳飯笑
獨何時飽稗饒四望童山薪似桂一收薄地草如蘭昇平

豐樂常愁苦破屋荒涼不葺完

瘠貧人每厭家居塞北征衣忍絕裾到處閒民珍職事希
聞蓬戶擁詩書倚門垂老鄉音斷結髮終身夢影虛收養
多方宣德惠捐輸歲歲費躊躇

登之采山

獨上之采第一峯碧天曙色混鴻濛千年浪洗秦碑綠萬
里霞環海日紅島嶼桑麻皆大藥鯢魚變化有長風官山
遺蹟今何在當路誰誇管晏功

雨壇夜半口占寄古縣王太守閏軒

祈雨曾聞董廣川吁嗟拜祝展陳編徒憐人癡千行淚那
見雷鳴萬頃田邑宰從知多失德蒼生何罪罷凶年深宵

塵久無長計乞取庭階蜥蜴鞭

弔郭康介公

萬言諫草爲天呈懷古千秋仰直聲無復金人濡碧血

原注

亦有金御史之號

空餘石馬駐荒塋河流不減淇泉紫海色猶同

洛水清

原注公聯有淇泉伊洛之比

悵望穹碑申一拜何時更與麗羊

牲

登礧山最高處寄王宮詹貽堂覓酒

雨霽尋春意興閒翩然著屐上礧山無波海抱魚龍睡撥
霧巖憑虎豹攀員嶠方壺仙自遠秦碑漢瓦詔空顏何如
竟取丹砂酒一醉紅顏葛令顏

九日同諸友登通仙宮飲奇泉寺

仙宮攀陟快奇觀駐馬雲庵仔細看老鬢纔因紅葉赤英

心特爲玉泉寒百年好句頻摹石

原注郭野有詩饒礪康介公題辭云碧紗詩句

思百年四海重陽迭整冠林外何人將進酒興來今日且爲

歡

寄劉秀才魯瞻

嬾性從來少報書竹林風景近何如遙知湧地南湖水不
羨垂天北海魚歲月仍無尊酒樂乾坤時歎鬢毛疏壯年
回首棲遲處長夜芭蕉響碧除

沙灘勸種樹和州倅牟斌如原韻

白沙飛擁雪層堆一片荒蕪樹可栽島嶼無爰雞鳥宿海
潮有信老龍來千頭橘隸饒驅策百催蠶絲足翦裁不識

安仁深意計風流漫許種花回

諸田觀遇寧海刺史勒寶齋西行阻雪三日口占一

首

諸田觀下海風號夜雪封門五尺高蟄地殘蠹深入谷涵

元宿麥暖於纈

原注民俗以大雪爲麥蓋被加衣

蓬萊何處尋征路茹店

誰家買濁醪幸遇東萊賢刺史肯分清酌到羣僚

題歷城尹胡書巢書室

會城繁劇刃游餘精舍新開晃碧疏萬疊山收吳子畫一
泓泉湧鄰侯書每因漉酒彈佳曲時以鈔詩役小胥若是
杜林今見此蘊眞愜適更何如

聞家鄉有年口占寄內

元相書事集卷之六第百五十三

日宰新雞煮嫩瓜鄉園今歲足桑麻山妻饒有田家樂收
拾禾場揀絮花

萊州二十里舖見燕南過客題壁戲和

燕南過客是詩仙壁上題詩名不傳我亦東牟新令尹黃
紬被裏未能眠

費上元志學 二十三首

志學號蘭谷巴陵人乾隆癸未進士歷官崑山常
熟上元知縣有蘭谷詩鈔蘭谷爲雍正癸卯拔貢
元傑之孫履齋學博應泰之子三世皆以文學名
湖湘閒今其後刻費氏三世遺詩爲一集

秋懷

椅桐生東谷青楓鬱南岑秋風一披拂平楚氣蕭森炎暑
暗流易清露沾我襟四序實平分義車何暇駸丈夫有本
懷無爲慨飛沈撫茲進修意感彼蟋蟀吟

束髮弄柔翰未敢事嬉遊明窗愛日暉繼晷焚膏油觀化
驗消息覽物辨薰蕕行行二十載尺寸不我酬沈憂滿心
曲又見大火流山峻天愈濶溪迴林更幽仰視高雲薄俯
瞰輕鷗浮萬物息解理至精窮冥搜逝者不我與蕭然吟
清秋

秋色無深淺閉門亦寒山鳴蟬清自守幽意時相關燕雀
亦其曹處堂亦何閒黃鶴逐西風一舉卽高騫物自適其
適安在愚與賢

雪 中 遣 懷

朔風夜凜凜密霰朝霏霏
疏櫺欹清曠周除生光輝
江湖增渺瀰岡陵鬱崔嵬
憶昔事行役嚴冬冒霜威
道途苦嚴巨魂夢紛依稀
適意返林泉眷戀在庭闈
潔饒多暇日文史相因依
同志二三子乘興款柴扉
竹柏正葱蒨桃李謝芳菲
豈不愛春華歲寒亦已晞

陽朔縣

羣山若連鰲奔峭來海東
昭江亘百里巖谷尤玲瓏
厓屢數峯起晴煙裊秋空
忽然見城郭縹渺如仙宮
峻嶺綠紫藤寒汀鬱青樹
異境良可悅靈源末由窮
閒猿嘯虛壁老鶴鳴深松
待攜一尊酒羅逕撫孤桐
雲英漾潭影光采將

無同

舟行示文會

暮宿天津橋朝泛滄州渚急流奔長河輕舟冒溽暑吾子
見我病對僕呢呢語似言初愈人不堪炎蒸苦詎知境何
常吾心有甯字農夫力耒鋤汗滴墜閒土榜人牽百丈忍
渴紛邪許客子雖長途舍策依臚舫篷窗從啟閉微風動
絳紵啜茗沁心脾散帙時深取耽毒生寔安焉知非玉汝

秋影和楊迂谷先生韻

迂谷風懷澹如菊載得清秋香滿屋秋影名齋豈好奇愛
秋不作悲秋詩生計年來眞草草向禽五岳何時了西風
吹夢到瀟湘七十二峯碧如掃擬向先生繪影歸茆屋空

山慰幽討

立秋日感懷

大火西流變素節
曉猿哀吟暮蟬咽
蒼蒼江上楓樹林
蕭森倏感行客心
去年今日石城下
今年今日蒼梧野
六朝佳麗紛山邱
八桂瘴癘多煩憂
蹤蹟如雲常異態
未識來年復何在
故園歸去已無家
奔走那得辭天涯
誰能更作散騎賦
且自高歌少陵句
回首風塵難具陳
此生何止畧知津
最憶年年履霜露
松楸頻望淚沾巾

述舊篇貽鄧稼軒學博奇逢

聖朝文治星日炤
千古圖書大成集
乾隆初載開石渠
武英春殿頒秘笈
詔諭館閣掄儒臣
慎選成均得十人
松

蘇柏燠資點勘青簡綠字相鮮新十三經與廿一史注釋

箋疏究原委得天司寇濡彩毫望溪宗伯契微旨吾楚名

宿尊府君詞翰隻絕兼多聞

自注謂尊丈鴻博公與先子同值武英殿

維我先

于時同事每歎仲華才軼羣爾後秉鐸判鄉縣枉渚辰陽

數相見陳荀誼篤欣過從孔李情殷早畱戀山岳茫茫四

十年余髮種種紛紛皤然夙志只今愧弓冶遺編空自尋丹

鉛

白注時檢先人白鹿石刻貽之

衡嶽峯高湘水碧屈宋文章古詞伯會

看蓬閣翔鵷鸞勿羨江湖老魚麥吁嗟乎倉庚鳴春方滿

林羌予感慨何其深爲述舊日蘭若譜想見當時金石心

荊州晚泊

向晚郢城西煙波萬里迷樓船沙市迴草樹渚宮低秋雨

千巖瀑鄉心五夜鷄還疑蜀江上噉噉聽猿嘯

遊昌平清福寺

楊柳招提境葡萄兜率宮緇塵何處謝幽徑有時通紫塞
秋風外青山落日中蒼茫一相訪臨眺意無窮

懷柔縣

曉入懷柔縣晴煙冉冉生藤陰低古道柳色暗孤城地接
螺峯密風含黍谷清城樓一登眺秋草接昌平

歲暮雜詩二首

作客忽永久羈棲歲欲終因依愧萍梗得失感雞蟲水色
枯藤外風梭落木中噉噉聽鳴雁幾度沒遙空
虛齋耽寂寞客况飽艱難几研雪霜靜關山風日寒夢魂

輕楚塞兒女話長安煨芋宜深夜何當遇嬾殘

泊穀花洲示周生秉華

朝乘瓜蔓水暮泊穀花洲芳草長隄外垂楊古渡頭涼風
起中夕小雨似初秋共有高堂念何心賦遠遊

過衡陽晤同年許吾南

九面湘江路兼旬旅客心水痕沙岸濶林影夕陽深舊雨
音書絕新霜鬢髮侵五峯有仙吏弭檝試相尋

泊長沙得文會家書

湘江秋霽候客路曉寒初何日衡陽雁傳來一紙書前途
從浩渺往事信迂疏莫問窮通理激懷常晏如

瓜州

曉過藏春塢宵停瓜步曉潮聲接江海山影落金焦皓月
廣陵近孤帆楚澤遙花殘未須惜來日是生朝

臨江夜泛

雨止晚江清搖搖雙櫓輕盤渦迴遠岸皓魄瑩深更萬籊
且俱寂一杯還自傾不知九州外何處有蓬瀛

馬伏波祠

蕭蕭楓樹西陽城祠廟飛揚舊旆旌未許井蛙識豪傑終
依銅馬立勛名軒前軒後言何壯長者家兒憾未平千古
壺頭遺蹟在苗獠尙解說南征

送劉梅溪歸武陵

淼淼平湖捲白波蕭蕭衰草失青螺詩人一去風流在公

子重來感慨多太乙合憐天祿客
陽春誰和郢中歌相逢
又逐驚鴻送臨水登山可奈何

淥口

地僻邨墟靜山深風日清
舟行人境外閒坐聽溪聲

下瀧口號

積雨陰巖五月寒
巉巖石罅瀉哀湍
輕舟一霎疾如鶻
已過九龍十八灘

沈湘齋書集卷第一百三終

沅湘耆舊集卷第一百四

新化鄧顯鶴湘臯編輯

長沙毛國翰青垣校訂

賀贈公國華

十八首

國華字用賓善化人 累贈資政大夫貴州巡撫
有嫁愁集贈公爲耦耕中丞長齡柘農侍御熙齡
之祖先世居浙江鎮海縣祖宏聲雍正閒官湖南
按察使司獄引疾後僑居長沙遂占籍爲善化人
贈公性寬恕和而介旣孤露以貧故急於治生遂
習法家言已念刑法關係人命出入而獄情百變
恐以冤抑獲戾因專爲人司書札事尋以先世二

喪未葬而記室所得微不克舉因佐桂陽縣令某
治獄一年以其修入營宅兆畢仍理故業曰傭書
固吾分也其介如此性好吟詠所爲詩最多年三
十有二卒全蠶散佚今從侍御處索得近體一卷
風格清老不假修飾讀之使人意遠爲採存十餘
首亦可見侍御兄弟之學所由本矣

春日赴館途中口號

家近薄孤征驅車百里程
野花明驛路山鳥助春聲
孝友期吾族艱難愧此生
何時謝塵鞅五畝遂躬耕

益陽道中早發

味爽彌征塵餘旰入夢頻
山低遙墮月市遠不逢人
關吏

門初啟村農語漸親誰憐行路子無地戀重茵

過郴州摩嶺

仄徑緣崖上雲嵐拂袖新中州瘴氣盡萬古與天鄰險隘誰爭道孤高許立身青冥呼吸近咫尺是仙津

秋夜

夜永貧孤坐新涼一味澂水明先見月人靜漸親鐙葉落山窺戶花疏石露棱壯懷霜共冷不復夢飛騰

嶽麓寺

萬木際天陰中通一徑深鐙明知佛境鐘定識禪心翠滴簷前雨泉飛戶外琴勞勞塵世裏可許滌煩襟

舟泊沅江登岸小步

又趁東風一日程
畫圖開處見江城
人閒合有抽帆便
物外眞宜信步行
高柳簇隄迷向背
野花當路解逢迎
勞塵世無休處
誰識幽人獨往情

寧鄉縣署齋望鳳山

抱郭名山對縣齋
晨曦夕靄稱詩懷
青蒼欲染衣裾溼
塵俗難容簿領埋
慚說通才爲記室
喜邀羣岫到閒階
平生蠟屐探幽興
坐攬煙鬟眼自揩

辛巳年三十初度

日月堂堂正壯遊
撫躬偏歎歲如流
文章命世應千古
書劍依人已十秋
永夜難祛風木慟
百年眞悔稻粱謀
不須簪髮羞明鏡
幾見三公尙黑頭

辛巳九月客寧鄉聞舉次男是月雅庵叔父亦得子

喜而有作

客中那得笑嫣然湯餅頻頻動綺筵苦憶十年驢背倦欣

看兩世雁行聯漫懸蓬矢稱佳兆早植荆花締夙緣

自注庭前

紫荆是余戊寅年手植家世清芬應不愧風流還望竹林賢

春暮郊遊

寂寂春光晝掩扉不知春事正芳菲雙柑斗酒偶然出柳
絮梨花無數飛清飈風柔鳩語靜野塘雨足鰕魚肥夕陽
一路經行處陌上人歌緩緩歸

江行

蓬窗竟日事孤征十里煙波蕩客情山雨忽來羣鳥散嶺

沙洲耆舊集 卷第一 四
雲欲斷一峯生
柁樓煙起迷帆影
石岸濤奔雜櫓聲
隱隱紅牆蕭寺近
隔林已聽暮鐘鳴

梁紹中贈几簞竹刻賦謝

故人幽興滿簞管
磨琢還兼組織長
脫腕已留青簡蹟
當軒時愛暑風涼
便宜高臥祛塵慮
已覺浮筠到手香
明月清泉能一訪
相從永晝詠羲皇

龍陽道中

雁飛木落動吟鞭
風景荒涼歲暮天
遠岫雲開山一角
秋田水滿月初弦
自注時龍陽隄坑多被水淹
村醪引醉雙鱸美
沙浦無人一鷺拳
幾處漲高添野渡
輕舟搖曳蕩寒煙

登常德城晚眺

繚繞川原漾夕曛登臨俯瞰大江濱
水田漠漠人耕月酒籠濛濛屋吐
雲煙際敵樓吞浩渺清時戰艦靖塵
氛聖朝久已休兵革漫笑迂儒但屬
文

月夜放舟

萬頃風煙一鏡磨扁舟容與夜如何
鐙光明處酒家近人語喧時村市過
幾處疏鐘來遠寺數聲野鶴起滄波
清宵好景誰能繪輸與漁翁鼓棹歌

蔡忠烈公墓

握拳嚼齒憤難堪殺賊猶思一戰酣
聞說張良如好女可知南入是奇男
魂飛閩嶠親難顧命共潭城死固甘
來往靈坡下路極天松柏翠鬢鬢

題畫

鱸煮初鮮蟹正肥
西風吹緊白雲扉
一聲欸乃不知處
楓葉蘼花相閒飛

江行

碎煙零雨日霏霏
兩岸江流擁翠微
高挂一帆風力飽
扁舟如挾衆山飛

孫贈君繩武六首

繩武字念旃善化人
乾隆中貢生以子先振貴贈
直隸隆平知縣贈君爲劭
吾學博葆恬之祖詩不
多詞旨清雋不事鉤棘
自寓溫純典雅之意善化
孫氏自鄰初大令倡爲古學
雄長騷壇一時名流

豈有抗者贈君崛起祖孫三世皆有詩兒是集斯
其不愧門風罔俾專美乎

塞下曲

飲馬傍交河風急雲陣闊煙塵日暮起黯黯成樓滅虜氛
西北盛突騎東南發軍中方戒嚴金甲夜不脫蕭條瀚海
月慘澹陰山雪古來征戰士百萬沙場歿秋深蘆葦多處
處草榮骨

鸚鵡洲

鸚鵡洲邊長芳草春來沒盡行人道行人過此暗傷心真
漢重泉已枯槁大別山頭斜日明漢陽渡口風浪生一夜
羌笳怨楊柳瀟瀟寒雨武昌城

春莫尋會春園飲花下作

落花三月春風顛游絲裊空千尺懸流鶯欲語語不圓滿
隄芳草青芊絲此時不飲心茫然徑須沽酒酒壚邊會春
園中

紅亂綠交翩翩桃花顏色亦可憐回顧一

笑生清妍勸君百斛酒如泉且復暇日相周旋古人不作
今千年曲池臺榭冷荒煙幽苔細蘚埋珠鈿清商激徵悲
管絃春山無情哢杜鵑桑葉漸老蠶欲眠人生擾擾苦世
緣何不及此開芳筵沈醉便臥桃花前長歌白眼望青天

舟次金山

流聞羣山合杳冥雨過淮口白江入海門青歸雁
春常早愁援夜易聽年來爲客意變鬢已星星

野望

孤劍倚高臺參差夕照開驚沙隨地轉飛鳥傍人來曠野
風煙邈孤城鼓角哀征西有車馬何日卻重迴

渡河有述

鞭絲遙指出林閒一路風塵慘客顏河上孤雲榮澤渡馬
頭殘照太行山幽燕慷慨悲歌易秦漢興亡百戰艱今日
承平鑄鋒鏑秋風蘆荻水潺潺

胡贈君多吉

十首

多吉字棟材號襟江益陽人以孫達源貴贈編修
性端正鄉里有爭訐者不敢以姓名相告喜吟詠
和平蘊藉可想見其人

古楓篇有引

家在長岡之麓負山臨溪前爲里仁橋東有古楓一株
蓋數百年物也老幹擎霄濃陰滿地憩息其下有條然
自得之趣作古楓篇

吾家資水濱長岡接邏迤台沓衆山迴前橫玉帶水兩岸
芳草多一橋綠楊裏東有古楓樹旁蒲蹠山趾新翠春風
交濃陰夏雲委霜曉丹愈鮮雪立皓無滓二儀浩氣鍾四
序元精美挺茲殊異材俯視桃與李吾廬未有前託根何
時始蒼蒼數百年喬木鬱鄉里憩息晷良辰坐對怡然喜
朝夕相因依敬恭等桑梓

邑祀鄉賢者凡十三人先君子已賦其四矣檢閱邑

志備悉諸賢事蹟因補賦九首

袁忠烈顯

袁公忠烈人短小而精悍當宋建炎閒湖寇楊
亂塵囂勢力窮鼎鑊甘糜爛罵賊聲如聞英風騰里閭

劉山長履泰

東齋通經史文思如湧泉濠洲開講席
通道鳴蒲鞭平生謹祭祀銅器精雕鐫
每鋤土中得姓字俱宛然

周大理舟

文彬宰句容治行稱卓絕大舟載小舟
帝夢良難決詣朝部籍呈周舟姓名切
擢升大理卿入覲天顏悅

易御史綸

易公始司鐸旋擢烏臺臣直言忤權貴芹藻仍回春望之
良可畏卽之殊可親尙書江淵贊圖象猶傳神

賀灌縣憲

碧津學君實人稱小司馬平生孝友風鄉黨心藏寫鳴琴
西蜀開天性孚喬野訟者相感嘆涕泣拜堂下

羅鬱林允凱

東谷訪春和明道自期許親歿畱雙鶴鶴唳涕如雨出守
鬱林州懸魚勵清苦蕭然歸鹿山扶筇課農圃

郭開縣憲

通字稱賢令直指薦其能幡然反初服清徹如壺冰少從
邇南臯學道時兢兢晚年道益進師表湖湘稱

羅贈公教本

春樹名教庠序儀芳軌繼母得懽心至性孚桑梓讓產亦稀友愛鵠原喜所以垂義方名賢世濟美

按涵春先生爲黃江宗伯之父治經有聲嘗發古文辭書之爲詩未之及

曹明經景星

漫洲人已往獨行今猶傳讀書破萬卷皓首時鑽研見義有必赴小節無拘牽十子各英俊想見庭誥賢

黃贈君湘南二十二首

湘南字一吾號石櫓寧鄉諸生卒年二十九著有
大瀾山房詩集紅雲詞集若干卷贈君爲虎癡學
博本職之父自幼隨其父太守公官天津才名播

南北年來壯客情
杭州遺詩三千餘首
詞七百餘首
可謂富矣
寧鄉黃氏仲有聞人
幾於人人有集
而先生抱才早隕
未見其止尤爲可惋云

野老

柴門肆清眺
返照澄夕霏
野老隴上來
相見語依依
自云耕作忙
歲功何敢違
播種無幾日
耘草復及期
汝農荷鋤出
畢景負耒歸
田家良獨苦
君看四體疲
嗟我無恆產
妻孥長苦饑
但得如此老
胼胝非所辭

感遇二首

羣鳥巢樹巔
戢翼安其居
雛鳥毛日長
老鳥毛日凋
翮然來返哺
敢惜予口瘡
繞樹飛且鳴
依依良歡娛
嗟我寄廬

人雲白山川徂陟屺瞻高堂方當倚門閭有母不能養人而不如鳥

羣雁翔雲中翩翩時隱見作陣復成行先後序不亂稻梁非所謀關山非所憚千里蒙雪霜形影終未散嗟我寄廡人伶仃誰急難同氣四五人流宕在他縣有弟不能育人而不如雁

漢尙書令蔣琬故宅

行邁經荒郊舉然懷古跡道左餘斷碣云是蔣公宅憶昔炎興初丞相建讜策惟公膺特薦忠亮足廣益輔政躋將軍曹隨仍蕭畫毅然制奄奴董費同焉奕芳躋不可見遺居陵谷易雲沈古木青風起荒草白佇立發三嘆惻悵日

欲夕

龍中三首

纔入監豪山龍流已奔漕奇險比巴峽終古聲喧湊萬峯
摩絕仞雲霞互延袤曲折赴東北天光一線漏向背錯巨
石赫若蹲駭獸俯臨千丈湫湏洞疑蛟鬪我舟任簸揚篙
力無停候兩岸樹枒杈森森迷白晝夕陽倏西馳淒然嘯
嶺歎

凌晨更解纜閉目懼不睹但聞呼哨聲舟人力羣努有如
羣盪行牽挽何太苦半日上一龍前龍復相阻厥狀既各
殊名亦難盡數奔湍時奮躍過顙勢頗怒漫空捲銀霰礮
雷飛石乳殷殷走迅雷轟轟伐萬鼓盤渦束重崖旋轉撼

地柱恐驚龍中龍口噤不能語

龍中百里程三日過乃已亭午將出險餘悸猶未止回思
下龍時舟似脫弦矢遲速雖有殊乘危實同耳人生當自
重險境胡頻履賢如昌黎翁南行亦經此戔戔龍上廟溪
毛薦夫子俯仰歌慨慷勝游詎堪擬

出龍

回首韓公廟茫茫龍水流僻荒猶海國險絕卽巴州黃篾
山家屋青杉野戍樓不堪深箐裏唳鳥一聲愁

夜坐

不覺春光老蕭條百感生愁中天易晚醉後月常明古樹
散清影疏鐘來遠聲一燈相靜對空復此時情

與李生閒步

園亭歇微雨，霽景好同尋。
泉鳴落花徑，鳥嘯修竹林。
夕陽明遠水，新綠上遙岑。
愛此塵緣淨，相看愜素心。

雪後寄隱者

昨夜西堂雪寒生，几席間遙知高卧者。
幾日掩柴關，古木羣鴉散空山。
獨鶴還不逢洛陽令，誰更識君山。

西山訪友不遇

閒居一相訪，松下叩巖扉。
門靜犬初吠，日斜人未歸。
石根流水住，樹杪白雲飛。
去去頻回首，蒼煙滿翠微。

宿大目寺

言就禪房宿，高樓切太清。
闌窗延月色，拂枕到溪聲。
夜靜

妙香出山空虛籟生夢回發深省不待曉鐘鳴

經劉忠定公故里

夙企先生節低徊客路中遺居荒草碧斷碣古苔紅洛蜀
無爭黨章曾已畏風同朝惟聞道鐵面後先同

望首山

自注黃帝
問道處

一桁青山望裏排翠微深處紫雲開關城柳色銷春去驛
寺鐘聲破曉來北揖嵩陽千阜出西迎汝水三州通問途
機谷今應在欲叩行藏訪太隗

南陽懷古

河山環峙古南陽雲斂煙霏驛路長王氣已銷艾叔里將
星猶護武侯岡徐龐抱負皆經濟耿鄴功勳足贊襄兩代

興亡人不見荒郊猶賸舊垂楊

阜城道中曉行

影下荒原曉月昏車中人坐薄裘溫星隨雁陣橫殘夜風
送雞聲出遠村少小多年經道路艱難幾日到家園上方
寂寂孤城外野衲精廬足夢魂

陽平書感

自注先大父
會守大名

不堪古郡到畿南昔日風光此日寒園植黃花秋色老洞
開紫府謫仙閒尙餘佐吏悲蕭嶷無復蒼生望謝安正似
道衡曾坐處可憐清淚數行彈

過稻香園故宅

江城秋至雨霏霏故宅重過事已非無復銀塘擎翠蓋空

餘蘚徑掠烏衣玉棺早兒王喬去錦里猶疑杜甫歸何事
花前雙蛺蝶多情猶傍主人飛

朗江懷古二首

武陵舊郡控黔中古堞參差落木空故壘尙傳司馬錯甘
泉曾記冠萊公平林莽莽沈寒霧大野蕭蕭起朔風聞道
劉周雄據日干戈血染戰場紅

淼淼江波客路長風煙南去接蠻鄉木瓜山外殘雲暝花
馬隄邊宿草荒遺愛至今思樂令野歌終古說劉郎才人
仙吏堪憑弔灑酒中流送夕陽

舊船歌

倚船特所歡歡今何處宿莫愛鄰船大儂船大如屋

俞贈君儀

八首

儀字兼虞善化人廩生以孫東枝貴贈編修 贈
君爲明死事指揮千戶一鱗之後指揮有聞蔡江
門先生殉難詩余曾刊入江門遺集 贈君孤露
食貧自以忠孝之裔刻苦力學授徒養母以諸生
終詩多散佚僅存近體數首殆不愧指揮之後矣

草橋夜泊

草橋今夜泊明發是衡州郡將曾懸榻先人此舊遊詩傳
煙雨井山憩雁峯樓往事一回首淒淒風雨舟

九日登馬王嶺

登高動逸興勝地緬前遊則另一峯起蕭條萬壑秋澹煙

龍遠岫爽氣豁層樓遙見孤帆影長江自在浮

客窗修竹

早年最有幽栖願欲樹脩脩竹萬竿今日客中屏炎酷都
綠亭外有琅玕晨窗映日龍文動午檻當風翠蓋蟠坐臥
此閒忘旅思與君終日共盤桓

王君佐約遊嶽麓阻雨

晴言靈麓便神馳欲借登臨慰所思九面衡雲時斷續一
天湘影最迷離無端夜雨瀟瀟急况值秋風嫋嫋時爲語
王郎休悵望隔江詩思正猶夷

九日與紫庭登高次韻

自注山絕頂平曠建文昌閣下有十洲風景亦勝地也

危臺飛閣極天高坐上星辰摘不勞未必十洲都福地由

來九日聚詩豪君耽逸興酣餘杓我自歸心折大刀回首
鄉關正無奈幾回登眺笑題糕

冬日示兒

冬月和如二月天晴雲入戶隱含煙古人學用三餘足今
日文須萬選錢莫以蹉跎過暮歲須知努力及華年昌黎
尙有城南作敢忘寒窗五夜前

道鄉臺懷古

道鄉臺上一長吟風雨迷離夜渡深非是山僧能列炬當
時直道在人心

天心閣眺望

樓高已似踏天空四面雲山屏障同指點潭州好風景萬

家煙雨舊園中

張贈君世濬 三十八首

世濬字明遠一字哲甫自號紫溪翁湘潭人有觀
湖堂集四卷紫溪翁爲蓉裳學博家桀之父負才
有奇氣弱冠餽於庠中年不偶遂頽放於酒築別
業鶴塘橋上自營生壙其旁卒年四十四

遠遊

泰山有孤雲亭亭如車蓋彷彿紫衣君軒然滄海外吐氣
鬱以青天地從顯晦如何滯一隅不與長風會爲君起茅
龍霖雨四時沛

泛濫觀羣蹟機動有流行列缺光照耀豐隆響勾勾此時

乘屏翳搖足周滄溟別有巨人來接綸六鼇輕所恃無拘
滯默然符太清笑彼鍊氣者槁木虛其生丹竈非不具倏
爾歸無形豈伊自寂滅抑道原乎冥每欲詢斯緒博大無
明鏗

海燕辭故鄉低徊巢玉堂飲宿豈不遂終嗟來去忙朝自
驚秋社暮已無桂梁雄雌相睇眄風塵何茫茫誰能如鸞
鷺矯翼翔扶桑

我著飛雲履跂足望蓬萊道逢廣成子跨鶴相追陪丹梯
跨崖巒霞彩出樓臺轟轟扶桑樹日輪爲之迴廣成笑語
我此樹童時栽周穆旣云逝秦皇安在哉惟彼瑤池島年
年從西來永言升紫霞一笑闔闔開

長塘午行

雨過勁筍添雷鳴新雉雒緩行閱巖耕春山向人秀積陰
滯餘寒播種清明後

偶成

幽壑生白雲含陰正繚繞稍隨濯靈升遂凌霄壑表餘影
勢欲垂因之帶飛鳥下有仰面人噓氣對晴昊

園居懷胡孝淵

山花落礪戶山客坐忘機旭日東林來迴光射我扉攀芳
入小園粉蝶隨人飛草色媚陽豔朝露亦已晞愛彼中有
蘭幽香散清菲眷念同心人高情入音徽撫琴動空谷我
情其庶幾

詠史

蠹蟲啣大木喙盡木不枯閒復露腐屑所入徒皮膚子雲
拔止此草冬何其愚詰屈以鳴古僅足啗童烏匪伊癡奇
怪識議實已孤何如左太沖十載賦三都

野鶴慕閒雲不向樊籠宿况值危巢邊惡鳥啄金屋吁嗟
叔世士泉石以爲福一朝觸羅網所餌因爵祿卓哉陶淵
明歸來尋松菊荒哉謝靈運志敗遭殺戮

禍衡折瞞操郭璞忤逆敦孤豸觸羣狼勢窮轉遭吞當時
按劍者引領苦鴟蹲爭如談笑鋒凜凜褫奸魂其氣壯干
古永與山河存

晉代功名士所崇盡虛浮以彼羣鄙夫而妄託清流其初

始衍尊元規相匹儔奮起獨桓公大德含剛柔方當運百
轅志豈忘神州譬彼北海鵬六月不垂頭燕雀語呢喃深
居畫堂幽一朝遭焚燬雛盡巢不留

潛龍偶際雲其勢長鬱蟠飛龍雖遇鰲挾澤終漫漫諸葛
與于陵蹤跡當殊觀出處旣閒之性情各有安一爲大廈
棟一爲海上山山浮莫可卽棟撐良獨難

霸國無伊呂亦並乏巢由次愛越范蠡又如漢留侯二公
非其倫居龍頗思憂傳聞豐城劍可以截犀虬一從入水
府神光誓不浮達士劍其鋒出沒與之伴朝握萬乘權暮
爲萬里遊

武陵訪龍茶仙先生不值

迢遞武陵溪孤帆竟日迷江雲散風雨秋水渡虹霓沙遠
雁初落樹深猿更嘯故人不我見惆悵夕陽西

辰州

風波南上遠地險得辰州鹽木通諸稅徭徭控近陬崖傳
辛女化山紀穆王遊汗漫蠻疆景誰將雜組收

春日村居

石洞龍蟠雨懸泉萬壑飛柳垂千樹髮苔展半池衣輕燕
翻風急游魚吐沫微濛濛苦沾溼幾度黯春暉

尋芳入湖濱繞澗氣氤氳鮐婦憩紅樹山農耕白雲鹿過
林下兒鳥亂水邊聞小立一長嘯東風澹夕暉

新月祇自照夕陽貪與明寒煙籠宿鳥老樹匿山精絕少

幽人到微聞遠磬清鈴花何事燦爲爾一含情

旭日石林路晴光冉冉濃雲來封樹牖雨過濯溪容白鷺
輕漁父羸牛狎老農江村春向盡所到豁心胸

西山三覺寺亂石飲溪流曲檻扶平仲叢篁坐栗畱巖深
乳虎伏井黑毒龍囚漸識名心淨忘機對貫休

細草無人徑斜陽馬限西竹陰時引鶴樵谷忽聞雞樹古
卻如畫雲屯未可梯偶然淩石磴迴首衆峯低

晚登拱極樓

高閣臨波峙憑欄敞暮煙遙空孤月映分野一星懸帆影
龍灣失鐘聲嶽麓連蒼茫人鏡遠吟嘯落江天

題圓上人孤山石塢

長眉七十過欲老此巖阿問却迷人代安禪住鳥窠松楸
經歲長蘿薜入雲多至竟皈依處乾坤祇剎那

懷嶽麓

憶昔攜開士閒遊遍履蹤酌泉尋白鶴呪石倚青松遠梵
雲中聽荒碑月下逢北山空負卻仍是舊周周

初謁嶽廟

掩藹高秋氣靈宮杳莫分松風前路引落葉四山聞欲望
海中日誰開峯頂雲我生衡嶽客稽首祝融君

上南天門

天路南天近胡麻晚飯行朱陵含日氣翼軫接星精歲月
芒屨熟神仙洞府清何須凌絕巘目已小蓬瀛

宿上封寺

驟起前山雨空林夜氣蒼雷聲走萬壑月影靜諸方上界
樓臺近南天星斗望悠然塵劫迴雲臥冷衣裳

下祝高嶺

穿雲蠟屐青一氣下空冥潭接絡絲影橋橫玉版形前身
疑斗宿回首問山靈卻羨南來雁高飛更振翎

發衡山縣

嶽雨千峯暗江天一棹開鯉魚風欲老鴻雁影初迴幾挾
遊山興仍虛作賦才行蹤定何日重躡白雲隈

閨夜

金籠蟋蟀巧支更蘭麝香熏錦幄清素手有情調寶瑟空

房無夢到邊城黃姑雲外留孤照白雁霜前寄遠征最是
斷腸聽不得月明萬井起砧聲

立秋懷河東諸友

憶昨相邀過渡頭星沙城郭面清幽碧山初暝斷霞映煙
渚欲波新月浮幾夕星河剛瞥眼滿天風雨怯登樓催人
最有蟬聲急聒噪深林樹樹秋

撥悶招吳其仁飲用少陵詠懷古跡五首韻

宏景頭顱行可想且饒高臥白雲閒竹籬疏密通閒徑茅
屋週遭壓斷山九月梧桐黃欲遍五更鴻雁夢初還棠蔭
竟夕愁多少遙想伊人獨閉關

欲假詩文暫解悲抗顏豈是好爲師猖狂阮籍還賴日機

任王孫乞食時節到重陽偏缺酒人逢落魄益多思來朝
把臂知誰醉笑指壺觴不復疑

日薄迷茫獨倚門乾坤黯澹入山村石潭龍老秋波冷菡
閣松高夜霧昏倦臥帷鐙縈夢眼幽吟山鬼泣詩魂有懷
莫寫思君到欲把窮通共細論

予居村左我村右偪側祇一蓬蒿宮有酒閒攜數里外無
人獨嘯萬山中每呼樵童闢谷徑憾少孤艇隨漁翁悵望
柴門覲面隔高吟縱飲何時同

淒清明月臨窗暗蕭瑟秋風捲屋高醉舞殘樽愁對影閒
磨古劍夜吹毛雲霄有路輪同輩天地何心困我曹莫倚
山林容放隱夔龍躡躡豈徒勞

山居答友人

聞愛余村幽欲購鄰莊住君但買青山莫買白雲去

夜出蓀田

石門南下路縱橫傍晚能令過客驚月黑幽崖騰虎氣風高老鶴肖人聲

朱封君色

四首

色字石湖孝子世繪子以子聲亭貴一
封清澗縣知縣封君性誠篤嘗舉孝廉方正不就有以俟堂

詩集二十九卷

泊樂昌有感因寄亭兒

我將歸去老山林念汝幽懷不可禁浩淼海洋時掉膽崎

嶠嶺路最驚心
猿猱結侶攀援捷
魚鼈欺人窟穴深
到處韓蘇新廟貌
可容宓子坐鳴琴

河南道中阻雨

河聲帶雨夜聯綿
百轉愁腸倍自煎
老景幾人堪七十
家山回首隔三千
太行秋色中原徧
野店心旌落日懸
見說前途尤險阻
二陵翹首但荒煙

紀夢

分明身世到琅嬛
滿眼牙籤索解難
手檢南華一披讀
醒來月在曲闌干

雜興

一庭幽草夕陽晴
深院無人鳥不驚
響澗遠泉通窻入
隔

鄰新筍過牆生

唐封君家鬯 二首

家鬯號鞠谿善化人陶山方伯仲冕之兄也以弟
貴封海州知州嘉慶初元舉孝廉方正不就年八
十餘始卒陶山先生爲余兄弟題聽雨圖詩所云
我昔有兄十年長少小共引神仙裾辟舉方正遠
巡避輔我廉平朝夕俱者也詩不多見僅得二首
陶山弟爲吳令訪得橫塘王家村六如居士墓獨奉
修表詩以志之

鯉仙遺蛻說荒村泛棹蒹蘆間九原埋骨有無春夢客上
墳多少夏畦孫桃花尙寫風人影薜荔難招夜月魂感慨

才名山水重也應封樹與長存

安得重泉鐵錮棺不逢王果祇心酸
羣鵲頤見煙霾改歸鶴還從露電觀
殷氏生洲甯有意延陵挂劍好同看
牛羊

自注杜荀鶴詩誰知三尺土高卻九華山